

A Mesa do Parlamento, na súa sesión do día 16 de decembro de 2024 adoptou os seguintes acordos:

PUNTO 2.º- COMPOSICIÓN DO PARLAMENTO, RÉXIME E GOBERNO INTERIOR, ORGANIZACIÓN E FUNCIONAMENTO

2. Administración do Parlamento de Galicia

2.1. Asuntos económicos e contratación

2.1.2. Doazón de 6 debuxos de Alfonso Daniel Rodríguez Castelao en favor do Parlamento de Galicia

Examinase a proposta do Servizo de Persoal e Réxime Interior de aceptar a doazón de seis debuxos de Alfonso Daniel Rodríguez Castelao, coas seguintes características:

1. Título: ¿Ves algo rapaz? Veixo foguetes... de luces
Ano: sen datar*. Técnica: debuxos a tinta sobre papel. Dimensións: 27,5 x 21 cm.
Observacións: Asinado por CASTELAO
2. Título: O peixe acábase de todo Pero mentras dure fanse moitos ricos. Ano: Publicado no xornal Galicia 1/09/1923 Técnica: debuxos a tinta sobre papel
Dimensións: 29,5 x 22,5 cm. Observacións: Asinado por CASTELAO
3. Título: O RAPAZ_En canto medres un pouco lévanche ô matadeiro, meu compañeiríño.
Ano: sen datar*. Técnica: debuxos a tinta sobre papel. Dimensións: 27,5 x 21 cm..
Observacións: Asinado por CASTELAO
4. Título: Quen sabe se volverei. Ano: sen datar*. Técnica: debuxos a tinta sobre papel.
Dimensións: 27x20,5 cm.. Observacións: sen sinatura.
5. Título: ¡Non collas nada que non sexa teu!. Ano: Publicado no xornal Galicia 29/06/1924. Técnica: debuxos a tinta sobre papel. Dimensións: 29 x 22 cm. Observacións: Asinado por CASTELAO.
6. Título: Sen título. (debuxo dun home tocando a zanfona). Ano: sen datar*. Técnica: debuxos a tinta sobre papel. Dimensións: 27,5 x 20,5 cm. Observacións: Asinado por CASTELAO.

María Aparicio Vázquez, mediante escrito do 19 de xuño de 2024 (núm. de rex. 7506, declara ser propietaria por herdanza dos seis debuxos orixinais de Alfonso Daniel Rodríguez Castelao anteriormente relacionados, e manifesta a súa vontade

Gabinete da Presidencia
Intervención e Asuntos Económicos
Servizo de Persoal e Réxime Interior



de doalas ao Parlamento de Galicia para que formen parte do seu patrimonio artístico.

Mediante o antedito escrito, María Aparicio Vázquez manifesta ser a titular en pleno dominio do dereito de propiedade sobre o soporte material ao que figuran incorporadas cada unha das creacións artísticas citadas, que sobre estes soportes ten a plena dispoñibilidade e non pesa ningún dereito, carga ou gravame nin, en xeral, ningunha prohibición nin limitación para realizar negocios xurídicos de disposición ou administración.

Segundo o certificado de autenticidade das obras, emitido por Miguel Anxo Seixas Seoane, presidente da Fundación Castelao e responsable da catalogación da súa obra artística, e que se achega coa presente proposta, os debuxos aínda non datados foron publicados no xornal Galicia, diario de Vigo entre 1922 e 1926.

Esta doazón deberá formalizarse coa sinatura dun contrato. A valoración da obra, segundo o informe de taxación emitido por la empresa Desprogal á vista do prezo que se solicitan polos debuxos de Castelao en galerías de arte, estímase en 34.500 € (5.500 € os tres primeiros e 6.000 € cada un dos outros tres debuxos).

Segundo o artigo 31.3 do Regulamento de organización e funcionamento do Parlamento de Galicia (ROF), aprobado por acordo da Mesa de 17 de abril de 2018, o réxime xurídico dos bens patrimoniais do Parlamento rexerese polo establecido na normativa reguladora do patrimonio da Comunidade Autónoma de Galicia, cuxo artigo 56 regula as adquisicións a título gratuito.

O apartado 2 do artigo 31 do ROF expresa que lle corresponde á Mesa do Parlamento a xestión dos bens patrimoniais da Cámara, agás cando se trate de adquisicións de bens mobles cuxo importe se corresponda coas contías establecidas pola lexislación de contratos do sector público para os contratos menores, que serán competencia da Presidencia do Parlamento.

Polo tanto, á vista do informe favorable da Real Academia Galega de Belas Artes e tendo en conta a importancia cultural e artística da obra de Castelao, considérase moi interesante e oportuno, incorporar os debuxos á colección do Parlamento de Galicia,

Xa que logo, a Mesa do Parlamento adopta o seguinte acordo:

1.º) Aceptar a proposta de doazón que María Aparicio Vázquez lle fai ao Parlamento de Galicia de seis debuxos de Alfonso Daniel Rodríguez Castelao, da súa propiedade, e autorizar a formalización do correspondente contrato.



2.º) A doazón incluíra a transmisión a título gratuito, en exclusiva e por tempo indefinido dos dereitos de explotación sobre a obra previstos na normativa reguladora da propiedade intelectual.

3.º) Comunicarlles este acordo ao Gabinete de Presidencia, á Intervención e Asuntos Económicos e ao Servizo de Persoal e Réxime Interior para que lle dé traslado deste acordo á interesada e se proceda á formalización do contrato privado de doazón.

Santiago de Compostela, 19 de decembro de 2024

Xosé Antón
Sarmiento Mendez,
Letrado Oficial Maior

Firmado digitalmente por Xosé Antón
Sarmiento Mendez, Letrado Oficial Maior
Nombre de reconocimiento (DN): cn=Xosé
Antón Sarmiento Mendez, Letrado Oficial
Maior,
email=x.sarmiento@parlamentodegalicia.gal
Fecha: 2024.12.19 13:55:20 +01'00'

Xosé Antón Sarmiento Méndez
Letrado oficial maior

Gabinete da Presidencia
Intervención e Asuntos Económicos
Servizo de Persoal e Réxime Interior



Asinado dixitalmente por:



PARLAMENTO DE GALICIA
REXISTRO XERAL SAÍDA
Data asento: 19/12/2024 13:56:54
Nº Rexistro: 4365
Data envío: 19/12/2024 13:56:54.208

Xosé Antón Sarmiento Mendez, Letrado Oficial Maior na data 19/12/2024 13:55:20

CSV: REXISTRO-M0U8PR0s-6
Verificación:
<https://sede.parlamentodegalicia.gal/tramites/csv/>

